

味菊齋詩草



北山先生遺像

續修江都縣志采訪冊

人物門

寓賢

劉長杞字北山儀邑諸生其性情孤傲教與方外訂交賞花飲酒搖筆成詩今其遺稿所載借榻寶輪寺銷夏卽其實錄也又與天寶觀丁道士善丁本在儀邑南門關帝廟住持其在楊則爲天寶觀住持劉之由儀而楊皆以天寶觀爲東道主晚年倦游築廬西山閉門種菊著有味菊齋詩稿待刊

沈序

詩之一道由來遠矣擊壤康衢爰肇聲歌之始阜財解慍已超韻學之先迨乎毛詩三百爛陳夫貞淫淑慝楚詞總起托興夫蕭艾菫蘭漢魏以還六朝而下清勁靡麗精采紛披一變而爲近體者莫盛於三唐兩宋詩律至此臻美備矣及觀元明諸作均有卓卓人寰不可一世之概予生也晚雖新城德州亦不復見俯仰古今人物不禁掩卷三歎也乃不圖於世俗波靡之際淫哇競起之時獨能以淡泊自守高寒樓骨若吾友劉君北山所著咏菊齋詩草是也予與北山交久談經學文章而外從未一言及夫詩也至辛亥春北山因事來遊邗上見淡成吟社唱和諸作欣羨不置便手錄一帖以壯行色而歎已詩之不可以示人亦聽其叢殘零落而已予曰噫嘻懃哉自炫非道自棄亦非道也君之好詩如此愛才如此保無胡紙叢中有一二發乎性情精於格律可以翻~~身~~以傳者而可與砥礪同棄耶曷弗搜諸破篋編輯成書公諸同好耶壬子夏初予

便道相訪始出其味菊齋詩草二冊相示並蒙有寄言捧讀一過覺幽淡如陶韋豪放如韓蘇悱惻如溫李冬郎憂憤如工部長沙可以觀可以興矣夫北山之詩其緒餘也幼學舉子業工文章善條對士林見重名噪一壘中年好道酷嗜鄭虔三絕旁通歧伯祕函多藝多才靡不學有本源惜乎一衿終老莫展英多蹭蹬偉科臺傷進暮爰賦歸來遂結廬於白洋山麓日以詩酒自娛徜徉乎松風泉石之間嘯傲乎蓬華桑麻之地優哉游哉聊以卒歲予亦將卜築比隣而樂丹邱圖畫田家風景可也是爲序

愚弟 沈葆濂拜撰

袁序

韓退之謂少不誦諷壯不好學老不教誨爲無用之人余弱冠時頗事唱酬中歲乃舍而肆力古文近數年來從事學校幾無暇晷追憶籌昔唱酬之樂不可復得謝子鉄吾袖劉君北山咏菊詩集見示并囑弁言固辭不獲雖誦一週覺詩才宏富非晚近人所及東坡之毫放義山之豔麗少游之俊逸淵明之雅淡兼而有之爰本集中所題薊雨樓句云筆陣戰酣蠶食葉文思煥發海奔流及題王次回句云獨樹騷壇一幟工不剽韓杜不坡翁四語爲贈余爲飢所驅橐筆備公日不暇給視北山之吟咏自娛其境遇之苦樂相去何如也是爲序

葦塘鬚叟偉常袁慶銘謹識

味菊齋詩草 袁序

謝序

錚初不知君歲戊申聞社友沈雨人言君雅慕錚然後知君姓劉名長杞字北山真州一諸生也隱居白洋山下爲詩裏伯作酒中仙興到狂時幾不識自身是陶是白迨至己酉秋錚與故人花受之及長子守忠飲於穆元興酒家適兩人與君亦飲他座少頃兩人挽君來會略表渴懷便爲座客呼去後聞君有贈詩浮沉何處不得而知王子臘月守忠初度時年十三內兄高芷沂來賀爰留小飲席上言君有味菊齋詩草二卷行將壽世綠揚城郭諸詩人題詠殆徧矧子爲北山契友見諸贈詩一字不題可乎錚語之故且問詩在何處曰詩在予處遂取歸細讀未及終又見贈詩四首吟哦一過抱歉殊深竊歎君爲有情人而非錚一見所能識也雖欲不題詩數首贈序一篇亦不可得且君所處境遇觀君一跋與稿中諸詩亦有與錚不同而同之病前賢有句云卿須憐我我憐卿可以爲吾二人詠矣况滄桑一變人心不知所返爲人奴爲人隸爲人牛馬恐終

不免設有此一時欲於硯食餘閒訪朋儕談風雅求有今日之樂難矣此君應自喜而錚亦應同喜者也不特此也聞人生有三不朽一曰立德二曰立功三曰立言詩僅言中之一端耳君已卓卓如是若以求諸言者求諸功德則君之所成立當更不朽又豈獨區區一二卷詩哉中年已去晚景無多詩學之外大有事在錚願與君交勉之若夫詩格如何自有識者定評錚可不論所異者詩草以味菊齋名菊隱逸之花也獨香晚節豈君隱而痛吾儕無福隱歟抑君賦悼亡和靖妻梅君亦欲妻菊以期澹而彌永歟

愚弟江都鉄吾謝錚拜撰

題詞

去年一晤太匆匆願遂瞻韓意未通擬向客廬傾積愫西山縱跡等飛鴻

海上歸來訪舊交

返里後訪雨人

案頭詩卷細推敲讀完知是先生筆怪底烟雲萬象包

黼青弟劉桂華呈稿

未謀君面讀君詩如見生平筆一枝文字有緣心暗契神交先在未交時

自家俚句自家知選入詩篇愧益滋

拙作蒙選入君集

君是珠璣我礫石相形難稱錦囊詞

料得先生定慕陶淵明淡泊子清高詩中品格花中菊味美於餐勝老饕

君之詩集名味菊齋而僕之外

號亦名餐

菊老饕

纔題聽雨軒中句

社友劉輔卿有聽雨軒詩集索題

旋讀佳章味菊齋同調同宗兩詩筆一杼憤志一憂

懷

丹徒步谿弟周本廉拜題

人淡原如菊，蘆抱膝吟曠。懷觀宇宙，頤養在山林。落落數行淚，寥寥千載心。神交何必見，卽此訂知音。格律自蒼峻，詩壇老將逢。哀辭最酸楚，麗句亦情鍾。獨見清高氣，掃除塵俗容。虬枝兼鐵幹，百尺歲寒松。

丹徒西冷吟叟弟繆岢拜題

嘔出心肝字，字香清詞麗。句滿詩囊，劉郎早得詩豪譽。風韻沉雄，逼晚唐清思。浣月卸鉛華，雅淡宜偕菊。並誇餐盡落英風味，永勝他和雪嚼梅花。百種淒涼百種愁，蕭然獨得氣之秋。憐余亦是牢騷客，讀罷雲篇淚欲流。雅願聯牀徹夜吟，西山蹤跡遠難尋。昨宵幸遂瞻韓願，把酒論詩愜素心。

江都城北瘦生弟張嘉樹呵凍拜題

真州才子劉北山，豐鑠精神鬢毛斑。少陵氣骨坡仙派，邈邈三唐兩宋間。一笑相逢三生幸，遂與先生將交訂。訂交原不在黃金，大抵無非才爲命。先生有齋名咏菊，詩成字字皆珠玉。令人一看一擊節，不厭千回百回讀。讀罷先生更致詞，欣然命我賦新詩。珠

玉在前甯不愧巴人下里難爲辭因把佳章重玩取烟雲滿紙龍蛇舞驚天地泣鬼神萬象乾坤頻吞吐從來名下無虛士吾揚久已知姓字且喜先生壽世心應與此集同壽世吁嗟呼冶春社散風雅歇隨園去後風雅絕而今風雅孰主持幸有先生能補缺

金樓曲

仁卿郭慶遠拜題

瀟灑超塵表久聞君才高李杜一時名噪恨我荊州相見晚喜誦劉郎詞藻迥不似箏琶凡調品格清高如菊淡又何殊五柳先生傲耽吟詠抒懷抱銷磨歲月年華老最難忘情深兒女悲歌歡笑每向騷壇旗鼓競元白都教壓倒讀來味菊齋詩妙沈約多情持贈我錦囊句如入山陰道休自惜知音少

丹徒德潛弟胡光發拜題

俗障塵氛一掃空隨園而後我推公年來無數興亡淚都在先生兩冊中

小隱終南伴赤松清高品格傲元龍勝朝無福羅才子不作詞臣作老農
一曲悲涼別有腔坡公風格本無雙重來赤壁新懷古鐵板銅琶唱大江
老去愁腸半紀詩一生心緒有誰知情深兒女吟懷減事不如心悔已遲
格律精嚴細入微漫將瓦礫混珠璣丹成爐火純青候壓倒淮南五布衣
詩史根源本讀書平生抱負問誰如北窗高臥陶潛傲五柳先生舊草廬
淪落青山酒一壺踏歌神似瘦西湖一聲長嘯遽廬窄高隱何如范大夫
升沉何必感雲泥貴賤窮通本不齊留得一篇詩稿在任人褒貶說高低
胸懷磊落命多乖漫把窮途笑我儕亂世功名尤似夢此生終古願沉埋
身逢末世隱蓬萊慷慨悲歌絕調才賈誼一生憂漢室長沙謫去古今哀
白雪梅花鬪早春冰姿玉骨淨無塵須知雅淡能持久不事才華傲古人
博雅宏通自不羣天生秀骨竊如雲暮年文字歌兼泣淒楚無過弔幼君
開卷燃香細品論白門憶妓最消魂可憐多少閒花草附入君詩姓字尊

晚秋時節百花殘桃李春風不忍看祇有東籬能耐冷蕭疏黃菊傲霜寒
新詩讀罷淚潸潸顧我與君兩鬢斑文字交情同骨肉暮年詩賦痛相關
蕭然世外小神仙家住桃源別有天不食人間烟火氣噙梅嚼雪已多年
散髮高歌傲板橋東風搖曳酒旗飄杏花村裏乾坤大那解新朝換舊朝
詞旨清瘦尙白描一篇珠玉細推敲讀餘齒頰香猶在風味無窮甘蔗稍
年來興致更添豪詩福堪徵壽笑高漢魏六朝唐宋後居然又讀楚離騷
漫將身世悔蹉跎詩境由來貴折磨老杜詩成天寶後歡娛有限亂離多
小園把酒話桑麻劫後餘生誤歲華閉戶不談興廢事西風飽飲臥黃花
角勝騷壇亦戰場名儒宿將足相當他人功績君詩稿千載同傳姓字香
勞人衣食費經營濁世何人敢好名惟我與君詩稿在千秋留詩後人評
同君共醉酒旗亭疊唱陽關柳色青到底君詩傳世早黃河一曲吐優伶
詩格何爲最上乘清真雅正總難能雄才大略心尤細一脈淵源杜少陵

風流自古出真州往事如烟莫可求
厲氏竹枝傳世久與君同派共千秋
淡成詩社半凋零雲散星移費夢尋
幸有君詩能壽世好教兒輩學謳吟
不誇詞藻尙空談釀就醇醪酒一罇
飽讀方知詩味厚要同禪理一般參
深山窮谷舊茅簷酒聖詩狂兩字兼
若問先生棲隱處半村紅杏酒家帘
醉臥花陰笑阮咸同居木石老青衫
扶疎繞屋蒼松古謝却塵氛隱碧巖

愚小弟沈葆濂拜題

莫把窮通怨早遲一枝健筆老於詩
談經無愧青藜讀得句還同白雪詞
縱目儘多前代感苦心能有幾人知
鑾江風月原千古大雅當教合並馳

甘泉半村吳鉅拜題

時年八十有五

三年邗上采風詩囊滿諸公絕妙詞
不意驪駒將唱日索題君稿有伶期

枚采風邗上三年歲暮將賦歸

來適遇同社友沈君雨
人出味菊齋稿索題

聞君愛菊異尋常癖性幾同五柳狂
菊味釀成詩味永吟來口頰自含香

城市喧囂厭不居，白洋山下有吾廬。
勸君多寫田家景，點染幽風作畫圖。
夢得詩豪負盛名，綠慳未得訂鷗盟。
班門弄斧韓臺客，俚句聊留當識荆。

韓臺釣客紹帆程慶枚拜題

落拓江東小寄生，偏從詩裏識韓荆。
建安文物存公幹，大歷風流屬長卿。

長字讀上聲見錢大昕十駕齋

養新錄

多變湖山常觸感，無知花草亦關情。
冶春舊社今消歇，劫後揚州第一聲。
一種閒

情寫不成，柳邊村裏柳邊城。
老來彭澤存妻誄，游裏香山錄妓名。
天寶餘聞傳宿稿，離騷芳夢托秋英。
和陶纔着東坡墨，又爲詩豪浪費評。

大雅文章厄漢京，向歆家學長殘萌。
虛名都葬槐花夢，時感猶填瓠子行。
天解憐才羈杜牧，士羞乞食短淵明。
客中多少窮愁恨，一讀公詩便掃清。

課罷清吟雨正晴，綠揚村畔有人耕。
鶴鄉消息山中驛，鴻雪因緣客裏程。
敢向佛頭輕着糞，要逢聖手試開秤。
而今琴底無絃曲，也好鶯林屬友聲。

英雄磨老不成名，那愿風塵混一生。
明日黃花悲藥籠，今宵紅豆悵燈檠。
幸窺子驥仙

源跡藉托何郎廨舍情吾亦飛虹橋上客也曾飛過未登瀛
春游邗上玉籤擎風雅扶持主社盟寶佑城邊談柳色秦淮河畔寫潮聲打潮生計仙
吟鉢隔宿牢愁付酒罍徧讀前劉花月句感懷年少不勝情
諸葛柴門種蔓菁老儒勝策此籌爭堂前諮議聽王謝筆下機危判李程湖海濟痕雙
袖捲江淮山色一樽傾明知憲履將穿處不是中流自在行
花弄霜姿竹弄晴松扉安靜布衣輕隔朝文字稀虧節出世林泉少俗聲并願義熙刪
甲子誰從天監說昭明不圖此響今猶在技癢漸離筑爲鳴
少隣弟妹愛憐生和靖妻孥脫累輕屋裏經存秦女宓門前爪號邵侯平逍遙仙壻招
梅福貧賤知交哭晏嬰畢竟無瑕珍白璧陶潛有寓賦閑情
羊曇家裏鶴來聲有翼能飛便卽鳴暮眼將花難識劍寒愁如草常淺觥詩翁本事和
梅寫逸客心情與菊爭欲倩吟媒偏不得權尋韻母作傳庚

古倉琴者聞汝楫謀誌